

Transkription von Stadtbucheintrag HAL 1380a

Ort, Datierung: Halle, 1380-??-??

Signatur: Universitäts- und Landesbibliothek Halle, Yd 2° 31 (3), S. 129 [\[online\]](#)

Inhalt: Schöffenschaft zu Halle: Schiedssprüche und Nachlassvereinbarungen

Na Goddes gebort . Dusent iar .. drūhundert iar / in deme . achtentigsten . iare quam Meus kremere / in geheget ding vnd gaf syn Eygen . deme Nygen Spiet/tale by Sente Nicolawes dore mit alleme rechte . also / dat hie . vnd Hanne syne Elike husvrowe , dat behalden / willen tū orer beyder lyue , vnd ghet orer eyn af so schal / die andere dat eigen behalden . die wile dat hie leuet / vnd na orer beyder dode . so schal dat Eygen des nyge(n) / spiettales ledig vr̄ eigen syn /

Olrik brosche quam in geheget ding . vnd begauede / Elsebethen syner husvrūwen alle dat hie nū het vnd / vmmer mer gewynnet . /

Hinr(ik) būvenleuent hadde besat vnder hintzen von / der weydest heustrides Erue . dat bot hie up drū / ding . tū deme vierden dinge is ōme gevūnden dat / man ōn des eygens¹ erues² schal gewaldigen /

Hans wyman is komen in gehegede bank mit erue/loue . kvnnen . syner suster vnd gift kvnen Conren / syn Eygen dat dar lyt an deme steynwege dar die / hering veyle is dar hie sōuen mark geldes ane het / mit alleme rechte . des schal kūne Conre hans wy/manne keves dochter vnd ōrer mūder eyne / mark geldes volgen laten tū ōrer beyder lyue / die wile dat sie leuen . /

Hans³ stoz vnd mechtild min Eliche wertin w̄y be/gaben vns vnder eyn ander mit deme daz vns got / vorlegen hat deme sie mit uwere(n) wizen ge geben / alle daz da blibet . des en sal ōn neymant ane vor/dere(n) noch tedingen iz queme denne ap daz ander / ouch vorscheyde . sosolden vnsen Herre(n) daz gūt gliche / lazzen teylen myme neysten vnd ōrme neysten /

Berchte bornemeysteres hadde gheue(n) eyne / gaue kvne(n) koke vnd zeygen ōrer maget / die syn nū kome(n) in geheget ding vnd hebbe(n) / die gauen v̄y geboden drū ding tū deme / vierden dinge is ōn gevūnden . dat die / gaue neymant mach wedderspreke(n) mit / rechte /

¹ **eygens** durchgestrichen

² **erues** übergeschrieben

³ folgender Absatz hochdeutsch. Eintragung hebt sich zudem strukturell von den anderen durch den Übergang von der 3. zur 1. Person ab. - Schrift anscheinend von derselben Hand.